

حقوقي بىلىپلەر مجموعهسى

صاحب و سرمحرر: پارس حقوق فاكولته سنى دوققورى

آروقات مىللى غادرانقور

هيئت تحريره

موسير آئيل ماستر: پارس حقوق فاكولتهسى
مدرسلىرىدىن

موسير شاورغورە: پارس حقوق فاكولتهسى
فقرى مدرسلىرىدىن

موسير ا. سالارم: حقوق دول مجموعهسى
هيئت تحريره سندن

باھر بلك: احضار قوانین قومىسيونى اعضا سندن
محمد طلفت بلك: آروقات

موسير آ. پىليوڭى: پارس حقوق فاكولتهسى
دوققورى

فرار ملامى بلك: محكمه تميز اعضا سندن

صبرى بلك: عدليه و كالى حقوق ايشلارى مديرى

مصطفى رشيد بلك: استانبول حقوق فاكولتهسى
مدرسلىرىدىن

احمد رفيع بلك: استانبول اجرا رئيسى

احمد صميم بلك: استانبول حقوق فاكولتهسى
مدرسلىرىدىن

موسير شارل قروزا: استانبول حقوق فاكولتهسى
مدرسلىرىدىن

آدرە: خىيال خان آروقات مىللى غادرانقور بلك يازغانىسى

تەلەپتون: بلك اوغلى ۳۰۰۹

موسير نسخەك بىلى ۳۵ غروشدر

بر سنەك آتونغانى پوستە اجرتيله برابر ۴۰۰ غروشدر

تور كيا خارجى ايجون ۵۰۰ غروشدر

كاغذ جىلق و مطبعه جىلق آتونيم شركتى — استانبول

۱۹۲۷

مفوقی نظریات:

حقوق نظریه لرینک اکیالنه دوعرو

[مافیل ۱۱ نومرولو نسخه ده در] (=)

مفوقی عکس العمله نظریه سی:

شیمدی تطبیقاده تحدث ایدیه بیلجک . — آنلک صور حلیه سنی ارئه ایدن قاعده لره تماس ایدیه بیلیرز . واقعه دن متولد عکس العمللری موضوع بحث ایتیه جکم . بو قیل عکس العمللرک فواید عملیه سی یالکز اونلری تشخیص خصوصده کی اصانده مند مجرد بر حقوقی، جریان حادثات آراسنده تصادف ایتدیکی عکس العملک بر واقعه دن تولد ایتدیکنی آکلارسه آرتق او عکس العملک هیج بر قیمت حقوقیه سی قالماز.

حکک استعمالدن تولد ایدن عکس العملله کلنجه بوراده یالکز مفید اولان قسملره تماس ایدیه جکم . مضر اولان اقسام موضوعک خارجنده در . بو سوزلرمله مضر عکس العمللرک تطبیقاده کی اهمیتلری انکار ایتدیکم ظن اولونماسین . بالعکس پک بویوک اهمیتلری وارد . یالکز مضر عکس العمللر ایچون عمومی ضابطه لر وضعندن عاجز قالدیم . بو خصوصده کی مساعیرم تمامیه عقامته اوغرا دی . بو نقصانک تلافیسی مستقبل حقوقیجره ترک ایدیورم . بناء علیه تدقیقائمه مضر عکس العمللردن بعضیلری اوزرنده جزئی بر توقدن صوکر ا مفید عکس العملله کچه جکم .

شیمدی اول باول بحثک مقدماننده (قضائ علاقہ - rapport juridique) تعبیرله افاده ایتدیکمز مفهوم حقوقینک تطبیقاده کی درجه اهمیتنی احاطه به چالیشلم . آتیده کی سؤللر بزه بو خصوصده واضح فکرلر ویرمه کافی کلیر:

- ۱ — بر عکس العمل نه درجه به قدار قضائی بر ماهیت اکتساب ایدیه بیلیر؟
- ۲ — عکس العمللر، فاعل اصلک — یعنی فعل وحرکتیه عکس العمل حادثه سنه سبب اولان کیمسه نک — فعل وحرکتندن رجوعنه نه درجه به قدار مربوطدر؟
- ۳ — عکس العملک انتاج ایتدیکی (اکتساب acquisition) ک ماهیت قضائیه سی نه در؟ علی الاطلاق اکتسابه متدائر احکام بوراده تطبیق ایدیلیرمی؟

۴ — فاعل اصیلك (==ب) اراده سی ، عكس العمل تجلیاتنده غیر محدود بر قدرتی حائز میدرد؟ و عكس العملك تأثیراتنه معروض قالان شخص (==ج) ، فاعل اصیلك صورت مطلقه ده کیفنه تابع اولورمی ؟

۵ — فاعل اصیل (==ب) ، عكس العمل حسیلله استفاده ایدن شخصدن (==ج) درجه استفاده سی ایله متناسب بر عوض طلب ایده بیلیرمی ؟

اشبو سؤاللردن برنجیسی عكس العمللرك بر واقعه و یا ماهیت حقوقیه بی حائز بر فعل و حرکندن متولد اولدوغنی ایضاح صورتیله حل ایتش ایدك. ایکنجیسنه ایسه عكس العمللرك انواعنی تحلیل صیراسنده قابل فسخ اولوب اولماق نقطه سندن تقسیم ایدرك تماس ایلشك. فقط ویریه لك ایضاحات ختام بولمامشدی. بناءً علیه بو ایکنجی مسأله یه تکرار رجوع و اوجنی سؤال ایله مزج ایدرك تدقیقاته دوام ایده جكم. شو ایضاحاتدن آکلاشدیفنه کوره شایان حل اوج مسأله مواجهه سنده یز. بونلری بر کره داهانیت ایده یم: برنجی مسأله: عكس العمل نتیجه سنده حاصل اولان اکتسابك ماهیت حقوقیه سی.

ایکنجی مسأله: فاعل اصیلك درجه صلاحیتی و عكس العمل تأثیریه حقوقی مختل اولان شخصك استثنائی احوالده کی شکل حمایه سی.

دریمجی مسأله: عكس العملك تأثیراتنه معروض قالان شخصدن فاعل اصیلك مستثنا احوالده عوض طلب ایتسی.

شیمدی بونلری صیرا ایله تدقیق ایده لم:

برنجی مسأله: عكس العملده تحصیل ایدمه اکتسابك حقوقی ماهیتی

هرهانکی بر عقدك ضمننده حادث اولان اکتساب ایله عكس العملك تولید ایتدیگی اکتساب آراسنده کی خط فارق اُك ابتدائی بر فکر حقوقه مالك اولانلرك کوزلرندن قاجایه جق درجه ده بارزدر. فی الحقیقه (ب) نك فعل و حرکندن (ج) مستفید اولبور. حال بوکه (ج) نه (ب) نك وارثیدر؛ نه ده موهوب لهیدر. دیمك که بواسطه ده انتقال و هبه اساسلرینه تصادف ایده میورز. دیگر طرفدن (ب) ایله (ج) آراسنده اکتسابی انتاج ایده جك بر عقدده بولونمادیفنه کوره اشبو اکتسابك ماهیتی نه اولابیلیر؟

سؤاله جواب ویره بیلیمک ایچون یوقاریلردن بری ویردیكمز ایضاحاتك اعانه سیله حقوقی عكس العملی تعریفه جالیشه لم: *عكس العملك ماهیت و ماهیت ایدمه کالده*

عکس العمل، بر دیگرینک فعل و حرکتی سببیه بر کیمسه لهنه حصول بولان بر اکتساب در که ارادی بر عقدك وجودینه افتقار ایتکمزین ساحه تجلیسی داخانده تحقیق ایدر .

اساساً روما حقوقجیلری عکس العملده کی بوماهیتی علی التقریب کشف ایتشاردی و آتیده کوره جکمز وجهله بو کشفاری غایت دوغرو ایدی .
شیمدی برنجی مسأله نك ابضاحی صدنده اثباتی مقتضی نقطه لری تثبیت ایدم :
آ — عکس العمل بر واسطه اکتسابدر .

ب — اشبو اکتساب طرفینک رضالینه تابع ده کیلدر .

ج — بو شکل اکتساب، بالواسطه اکتساب ماهیتده ده کیلدر .

د — بو اکتساب، دیگر برینک ماملکندن برشی اکیلمه سنی انتاج ایتز .

ه — آنجاق بر مقاوله مخصوصه عکس العملدن متولد اکتسابی، عقددن تولدایدن اکتساب حاله افراغ ایدر .

و — فاعل اصلیک اراده سنده کی فساد، عکس العملک ایلاذ ایتدیکی اکتساب اوزرنده هیچ بر تأثیرینی کوستره مز .
فی الحقیقه :

آ — عکس العمل بر واسطه اکتسابدر . آنجاق بوراده اکتساب کله سنی حقوق لهجه سنک تعیین ایتدیکی محدود بر معاده ده کیل؛ بلکه اجتماعی و اقتصادی نقطه نظرلری ده احتوا ایدن شامل بر معاده تلقی ایتلی ز . تعیر آخرله (ا اکتساب) ه ویره جکمز معنا شودر : وضعیت حقوقیه مزده حصوله کلن بر صلاح amélioration . بوصول ، مالی بر قیمتی احتوا ایده بیله جکی کبی غیر مالی بر (یسر) ی ده حائز اولابیلر . بوقیل اکتسابلرک تحدیدی بر صورتده تثبیتنه امکان یوقدر . جمعیتک ، فردک ، مدینتک تلقیلری بو شکل اکتسابده مهم برر عاملدرلر . مع هذا مسأله نك تنوری ایچون بر قاچ مثال ذکرینی فائده دن خالی بولیورم .

برنجی مثال : محتواسی بر منفعت مادیه یی افاده ایدن حقوق اکتسابلر . خصوصات آتیده اکتسابک بو ماهیته تصادف ایدیوروز .

۱ — غیرک ملکنده کشف اولونان دینه . (ملکیت)

۲ — بابانك، چو جوقلرينك ماملكنه داخل اولان ماللري اوزرنده كي استفاده حق . (حق انتفاع)

۳ — ورته دن برى طرفدن تركه نك ردی، ورته سائرته نك حقوق ارثیه لرینك كیه تزايدینی انتاج ایدره. (حق توارث)

ایلمی مثال : منفی حقرا کتسابی. بر عقده کفیل اولان کیمسه نك ادا ایله مطالب اولایلمسی ایچون اول باول مدیونه مراجعت ومدیوندن استیفا امکانی اولمادینی تقدیرده کفیلندن طلب ایتمسینی تأمین ایچون مدیونك حین عقده درمیان ایتدیکی شرطده اولدوغی کیی.

ارمیجی مثال : آلاجقلى نك بورجلوی ابرا ایتمی کفیلی کفالتدن خلاص ایدره. وكفیل طرفندن دائنه قارشى كوستریله دن رهن دخی صاحبنه تسلیم اولونور. دیگر مثاللر :

۱ — اولکی درجه لده بولونان ایپوته کلی داینلردن برینك زوالی.

۲ — شرکادن برى طرفدن دین مشترک دعوی ایدیلسی حسیله مرور زمانك انقطاعی. (بو صورتله شرکای سائرته نك ماملکلرنده بر تزايد حصوله کیر.)

بوتون بو احوالده عکس العملدن مستفید اولان کیمسه (ج) ایچون بر حق مکتسب تحقق ایدره. بناء علیه (ج) ك عقده یابانجی قالمسی و مساعیسی سبق ایتمه سی وحق عکس العملدن متحصل فائده بی بنسبه مه مسی اکتسابك ماهیتنی اخلال ایتمز.

بوايضاحات، یوقاریلرده درمیان ایتدیكم بر مطالعه نك مناقضی ادا کیی ظن اولونا بیلیر. فی الحقیقه عکس العمللر ك قابل فسخ اولدوغنی ادا ایتمشدم. حال بوکه شیمدی صورت مطلقه ده برحق مکتسب وجوده کتیردیکنی سوبلیورم. بواکی افاده بی ناصیل تألیف ایتمه لییم؟

مسأله ظن ایتدیككزدن چوق قولاید. فی الحقیقه عکس العمللر (معین بر سام) داخلنده نیجی ایدره لر. هر عکس العمل، بوحدود تجلیسینی کندی خصوصیتندن آلیر. مثلا صغیر ایله مشترکاً بر غیر منقولده تصرف ایدن بر کیمسه مرور زمان حدینه بالغ اولاجق بر مدت ظرنده محتواسی (مرور) دن عبارت اولان برحق ارتقائی استعمال ایتمه مش اولور ایسه مرور زمان جریان ایتمز. چونکه — بونی بالاده دخی کورمشدك —

حق ارتفاق تجزى ايتديريله مز. بوصورتله (صغرسن) مرور زمانك جريانه مانع اولور. فقط صغير، حصه شايه سنى آخره فراغ ايدەر ايسه آرتق عكس العمل دوام ايتمز. آنجاك كيفيت فراغ ماضيده قطع ايديلهن مرور زمانك ابطالنى ده مؤدى اولماز. كوروليوور كه قابل فسخ عكس العمللرده كى حكم، ماضى به ده كيل؛ مستقبليه عائددر.

عكس العملك تماماً ابطالى يالكىز. بر خصوصده اولابيلير. مثلاً سرك بر شخصدن معين بر مقدار مطلوباتكز وارددر. آنجاك مديونكز، سزدن باره يى استقراض ايتدكدن صوكرا مورسك تركه سنى قبول ايديوور. تركه دن مطلوباتى اولانلر بالطبع وارن عليه اقامه دعوى ايدهرك الاجقلىرى حكمه ربط ايتديرييورلر. نتيجه ده آكلاشيليور كه تركه مستغرق ديوندر و بونون تركه موجودى ديونلك آنجاك بر جزونه تقابل ايدهريله جك! شو حالده مديونكزك قدرت اداسه سى سزه قارشى تناقص ايتشددر. بناء عليه كيفيت قبول ايله عليه كزده مضر بر عكس العمل تجلى ايتش اوليور. بو عكس العملك تأثيراتى بر طرف ايتك ايجون (تركه قبولى) نك ابطالى لازم كلىر. مثلاً مديونكزك اهليت قبوله مالك اولادىنى آكلاشيليرسه كيفيت قبول، كان لم يكن عد ايديلهرك بو مضر عكس العملك تأثيراتندن قور تولورسكز.

ب — عكس العمل نتيجه سنده حصوله كلن اكتساب طرفينك رضائيله علاقه دار ده كيلدر.

حقوق عكس العمللرك تجلى اشكالنه عطف نظر ايتك بو حكمت صحتنى احاطه ايجون كافى كلىر. آلاچندن صرف نظر ايدن دائن مديونك ماملكنى تزيد ايتشددر. دائنك قصدى مديونه صرف بر جيله ياقم اولسه و بونى حين فراغتده تصريح ايلسه بيله، ماملك ديكر دايئرك لهنه بر زياده لك ارئه ايددر. بو زياده لكدن بالطبع ديكر الاجقلىلر مستفيد اولور. بناء عليه مديونك ضعف عقلىسى ويا معنوه بولونمى ديكر دايئرك لهنه اولان (اكتساب acquisition) اوزرنده هيچ بر تأثيرى يوقدر. چونكه بودايئرك اكتسابلرى (قضائى علاقه rapport juridique) لرينك بر نتيجه سيدر. مديونلرينك رضائى ده كيلدر.

ج — عكس العملك توليد ايتدىكى اكتساب، بالواسطه اكتساب ماهيتده عد ايديله مز.

فى الحقيقه بالواسطه اكتسابده واسطه اولان كيমে بر آلت اكتسابدر. مثلاً

موکلی نامنه برمال اکتساب ایدن و کیلک وضعیتده اولا موکک رضاسی، ثانیاً و کیلک مساعیسی بولونمق لازم کلیر. حال بوکه عکس العمده بو ترتیب طبیی تماماً مختل اولور. فاعل اصلک رضاسی یوقدر. اکتساب ایدن کیمسه نك ایسه سعی مسبوق ده کیلدر. سوکرا فاعل اصل بالذات کندیسی ایچون چالیشیور. حال بوکه بو مساعیدن قسماً مستفید اولان بر باشفاسیدر. واقعا بو استفاده نك توجهنده تلقیات مدنیه نك وجود ویردیکی تصادفلر حاکمدر. دیمک که عکس العمل بر فعل و حرکتک هدفی عداولوناماز. مثلاً (ب) - که بنم وارثمدر - شو حرکتده بولونورسه میراثک (ج) - انتقالی لزومنه دایر بر وصیتنامه تنظیم ایدیورم. وارثک تعیین ایتدیکم حرکتده بولونماسی (ج) ی وارث قیلار. فقط شاید وارثم ایسترسه میراث فلان آدمک اولسون یولنده کی وصیتنامه دخی بو حکمی احتوا ایتیورمی؟ نتیجه عملیه سنه نظراً هرایکی حکمده بردر. فقط ماهیت حقوقیه اعتبارله یکدیگر ندن تماماً آریلورلر. برنجی شکلده کی وصیتنامه ده دیگرک وارث اولسی برنجی وارثک حرکتی سببی ایلدر. ایکنجی وصیتنامه ده ایسه وارثک دوری نتیجه سنده او وارث بنم وارثم اولماز؛ بلکه وارثک موهوب لهی اولور. دیمک که حقوقاً آرازلنده شو فرق واردر: برنجی وصیتنامه بر عکس العمل، ایکنجی وصیتنامه ایسه بر هبئی انتاج ایدیور. شو حالده عقد، هبه اولونجه، رضانک فسادی، بطلانی مسأله لری بالطبع موضوع بحثدر.

د - عکس العمل نتیجه سنده حاصل اولان اکتساب، دیگر برینک ماملکندن برشی اکیسلیمه سنی انتاج ایتمز. فی الحقیقه دیگر بر کیمسه دن مال اکتساب ایتک اساس حقوقیسنده ایکی عنصرک وجودی لازمدر:

برنجی عنصر (عنصر مادی *élément matériel*) یعنی کرک مقابلنده برشی ویرلسین و کرک ویریله سین دیگر بر ماملک میاننده بولونان بر ثروتک بنم ماملکم میانه کچمسی؛ بوراده انتقال طرفینک متقابل رضالریله اولور. [۸] ایکنجی عنصر (عنصر شخصی *élément personnel*) تعیر آخرله بایع و یا واهبک بکا مالی بیع و یا هبه ایتسی خصوصنده کی رضاسنک تلاحقیدر.

[۸] ایشته بو سبیه میبدر که مرور زمان بو شکل اکتسابدن تماماً آریلیر. مرور زماندن مستفید اولان کیمسه واقعا بنم ماملکندن بر ثروتی کندی ماملکی یانه ادخال ایدیور. فقط بوراده رضام یوقدر.

حال بود که عکس العمل حادثه نرند و ایکی عنصر دهن هیچ بری یوقدر . فی الحقیقه هیچ بر ماملکدن بر ثروت ا کس یلمدی کی صریح و یا ضمنی صورتده بیان ایدیش بر رضا دخی موجود ده کیلدر .

بناء علیه بعضی اشخاصک وضعیتارینه تعلق ایدن تحدیدی حکملر بذاته عکس العملدن متولد ا کتسابه مانع تشکیل اتمزلر .

(بذاته) دیورم ؛ چونکه ا کتسابک اویژه کتیف شکلنده، عکس العمل نتیجه سی اولقدن ماعدا بر زیاده لک وارسه مسأله ده کیشیر . مثلاً فرض ایدیکز که قانون مدنی زده شویله بر حکم وار : (زوجین آراسنده هبه پایلاماز [۹]) . شیمدی هبه عقدینی ، عقودات سائر دهن آیران خط فارقی بولام . معلوم اولدوغی اوزره بوخط فارق شو صورتله افاده ایدیلر بیلیر . (واهبک ماملکندن حاصل اولان تنزله مقابل موهوب لک ماملکندن تحصیل ایدن زیاده لک)

شیمدی مرنه صورتله اولورسه اولسون زوجین آراسنده شو خط فارقی اوائه ایدن بر معامله یه تضادف ایدر ایسه ک آکلارز که عکس العملدن متولد ا کتساب کسوه سی آلتنده بر هبه یا پلمشدر . بو تقدیرده ایسه تطبیقی اقتضا ایدن حکم باشقادر . فی الحقیقه قوانین مکتوبه میاننده بولونسون و یا بولونماسین حقوق طلمنده جاری اولان بر قاعده عمومی فی تطبیق اضطراری واردر . بوقاعده عمومی ایسه شودر : قانونک احکام آمره سی بر طرف اتمک ایچون پایلان معاملات باطلدر .

بر قاج مثال، بزه ایضاحات سالفه فی قابل تفهم بر حاله افراغ ایدر . زوجه کزله مشترکاً بر عینه مالک بولونیورسکز . بو مشترک اولان (عین) ده بالفرض بر پیانقو بیلتیدر . سز پیانقوده کی حصه کزی زوجه کزله ترک ایتدیکز . پیانقویه مستقلاً اشترک ایدن زوجه کز برنجی ا کرامیه فی قازاندی . شیمدی بو، بر هبه میدر ؟ حد ذاتنده خایر ! چونکه ملکیتکردن فراغت، مطلق صورتده مالی زوجه کزله باغشلاق معناسنه کلز . بکنمیدیککز بر باستونی سو قاعده آتیورسکز ، یولدن کچن بر آدام اونی آلدی . فقط او آدام سزدن بر باستون آلیاورد ، بلکه صاحبسز بر ماله وضع ید ایدیسور . تعبیر آخرله ا کتسابی یعنی ثبوت ملکیتی سزک ترک اتمک کزک بر عکس العملیدر . دیمک که حرکتکزک

[۹] بو مثالی قانون مدنی ک احکام عمومی سنه توفیق ایده بیلک ایچون شو صورتله تبدیل اتملی بز : زوجین آراسنده محفوظ حصه لره تجاوز ایده ک شکلده هبه پایلاماز .

نتیجه طبیعی می او حرکتك استهداف ابتدیی برغایه مناسه کز. اگر بو معناه ککش اولسه ایدی جزا دخی جرمك هدفی اولوردی. شو حالده حرکتك هدفی دیگرینه بر مال تمليك ایتمکدن عبارت اولورسه هبه موضوع بحث اولابیلیر. بو تقدیرده ملکیتدن فراغت، حرکتك شکل ظاهریسی دیمکدر. چونکه هبهك او بزه کتیف خطقارق اولان ایکی ماملکدن (واهبك ماملکی ایله موهوب لهك ماملکی) برینك تناقضه مقابل دیگرینك تزیادی کیفیته برده سو بزه کتیف عنصر یعنی باغشلامق اراده سی انضمام ایدیور. بناء علیه تماماً بر هبه مواجهه سنده یز.

مسأله یی بر آرز داها تحلیل ایده ییم: بر (مال) ی یالکز ترك ایتمکده منفی بر حرکت وار. حال بوکه تمليكده ایسه حرکت مثبتدر. بکنم دیککز باستونی سوقاغه آتقله یالکز منفی بر حرکتده بولونیورسکز. حال بوکه پیاتقو بیلکیزی زوجہ کزه ویرمکله حرکتکز مثبتدر. دیمک که احکام آمره قانونیه یه مخالفت ایتش اولیورسکز، بناء علیه حرکتکزه بطلان وار.

کذلک زوجہ سنده کی مطلوباتی ابرا ایدهن و یا زوجہ سنك ملک ی اوزرنده کی حق ارتفاقدن فراغت آلیهن زوجك حرکتده دخی بر هبه کورمك لازم کلیر. دیگر بر مثال داها آلایم: مثلاً زوجہ کزك (ج) دن بیک لیرا مطلوبی وارد. سز (ج) ك وارثی سکز. (ج) وفات ایدیور، توکسی مستغرق دیوندر. بوکا رغما سز ترکی قبول زوجہ کزه بوبیک لیرای حسب الوراثه تسویه ایدیورسکز. شیمدی سز ترکی قبول ایتسه ایدیکز زوجہ کزه ترکدن هیچ برشی دوشمه یه جکدی. چونکه ممتاز دینلر، موجودك بالفرض اوندہ برینه بیلہ تقابل ایتیور. حال بوکه زوجہ کزك مطلوبی ممتاز بر آلاچق ده کیل. دیمک که قبولکز نتیجه سنده زوجہ کز بیک لیرایه صاحب اولیور. بو بر هبه میدر؟ عقدك ظاهری اشکاله نظر آخایر! چونکه زوجہ کز سزدن برشی آلامدی؛ بلکه حرکتکزك نتیجه سی اولارق بر اکتسابده بولوندی. فقط بوا کتساب سزك ماملککزدن بیک لیرانک تزللی و زوجہ کزك ماملککنده عینی مقدار بر تزیادی انتاج ایتدی. بو نتیجه یی استهداف ایچون ترکی قبول ایتدیککز ثابت اولورسه عقد هبهك او بزه کتیف و سو بزه کتیف بوتون عنصر لری موجود دیمکدر. بناء علیه اکتساب واقع بر عکس العملک نتایجی صایلماز؛ بلکه هبه عد اولونور.

فقط زوجہ کزك قبول ایتدیکی بر ترکدن سز موصی له صفتیله آلاچق بولونیورسکز.

متوفى نك سزه وصيت ايتديكى مقدار تركدن فراغت ايتديكنز. بو برهه ميدر؟ ظاهراً نهوت! فقط حقيقت ده كيل، چونكه سزك مامللككزدن برشى اكسيلميور. بناءً عليه هبه نك اوبژه كيفت عنصرى يوقدر.

ه — بر مقاوله مخصوصه عكس العملدن متولد اكتسابى عقدندن تولد ايدن ا كتساب حاله افراع ايدر.

مثلاً وارث اولارق بر قيزى بولونان بر كيمسه «ميراثم قيزمكدر، فقط عدم قبولى حالده فلان كيمسه وارثم اولسون» دييور. شيمدى بو قيز ايله او كيمسه نهولنيور و قيز «بابامك ميراثى بن قبول ايتيه جكم، سكا انتقال ايدجك». بو بنم جهازم اولسون، يولنده برتمهدده بولونيور، بوتعهد معتبردر. فقط آرتق بوراده عكس العمل پره نسييلرى تطبيق اولونماز. چونكه باشلى باشه لزوم افاده ايدن بر عقد مواجهه سنده يز. بناءً عليه حادتهده عقدك بيان رضايه متعلق اساسلى لازم التطبيققدر.

و — فاعل اصيلىك اراده سنده كى فساد عكس العملك ايلاد ايتديكى ا كتساب اوزرنده هيچ بر تاثيرى حائز ده كيلدر.

عكس العمل، موجوديتنى فاعل اصيلىك اراده سندن آماز؛ بلكه بو اراده تماماً يانجى اولان خصوصى شرائط، عكس العملك مابه القيامنى تشكيل ايدر. ا كتساب ايچون اراده نك لحوق لازم اولمايجه فاعل اصيلىك خطا ايتمى عكس العمل نتيجه سنده تحصيل ايدن ا كتساب بطلاننى استلزام آيلز.

مثلاً امتيازلى دايىلردن برينك ايتونهك حقتدن فراغت ايتمى بالطبع متعاقب دايىلرك بر درجه ايلر ايله لايى انتاج ايدر. (قانونمز بونك ايچون بر مقاوله تحريه يه نك وجودىنى شرط قويويور). فراغت ايدن كيمسه «بنم مقصدم مديونه بر جيله يايىق ايدى. مادام كه حر كتمدن مديونم استفاده ايتيور، فراغتك هدى ده قالماش ديمكدر. بناءً عليه رجوع ايدىيور» ديه مز. كوروليور كه فاعل اصيلىك سائق حركتى (يعنى مديونه جيله يايىق) ايله نتيجه حاصله (يعنى متعاقب دايىلرك استفاده ايتمى) يكديكرندن بوسبوتون آيريدر. حقوق، بو قبيل حادتهلرده كى خطايه بطلان اضافه ايتمز. چونكه حادثات مماثلده بطلان اساسى قبول ايدر ايسه ك بر مجرمك «بن شو جزايه دوچار اولمق ايچون بو جرمى يامشدم. حال بو كه بكا باشقه جزا و بريورسكز» طرزنده كى اداسنكده مسموع اولمى لازم كليز.

كذلك بر عینك جزؤ شایعنه مالك اولان كیمسه، حصه ملكیتدن فراغت ایده رسه او عین شریك دیگرک ملك مستقی اولور. فراغت ایده ن کیمسه « بن شریکی (ج) ظن ای دیوردم، حال بوکه (ب) ایتمس. بناء علیه فراغتنن واز کچدم، دیسه من چونکه بالاده کوردیکمز وجهله ترك کیفیت منی بر حرکتدر. براز اول ذکر ای تدیکمز باستون مثالنده اولدوغی کی. فقط هبه ده موهوب لیه ک شخصنده کی خطادن دولای واهلک حق رجوعی واردر. چونکه هبه بر تملیکدر یعنی ایجابی بر عقددر، حال بوکه ترك ده بوماهیت یوقدر. كذلك ترکی قبول ایده ن وارنک « مستغرق دیون اولدوغی بیلیموردیم » یولنده کی ادعای مسموع اولماز .

مسأله نك ماهیته حقیقه نفوذ ایده بیلیمک ایچون ظاهراً عینی ماهیت عرض ایده ن دیگر بر مثال داهای آلام : بویوک مغازه لردن برینک جامکآننده تشهر ای تدیکی بر مالی بکنیورسکز . مالك اوستنده کی نه تیگتده شورقم یازیلی . ۸،۱۰ سز بونی سکز لیرا واون غروش ظن ای تدیکز و مالی قبول ای تدیکیزی مغازه صاحبه بیلیدر دیکز . شیمدی تشهر بر ایجابدر، موافقتکز قبولدر. بناء علیه تمام اولس بر عقد قارشیسندیز . فقط مالی تسلیم ایده جککز زمان کوردیکز که نه تیگتک اوزرنده کی (۸) لیرا انکلیز لیرا سیدر و غروش تلقی ای تدیککز ۱۰ رقمی ایسه شیلین در. سز ۸ انکلیز لیرا سی و ۱۰ شیلین ویرمه مجبور میسکز؟ خایر ! بیلیمه رك قبول ای تدیککز ترکدن دولای بیکلرجه لیرا لقی ضرر لره اوغرا دیفکز حالده رجوع ایده میوردیکز. ایکی مسأله آراسنده کی فرق نهدن انبعاث ای دیور ؟

فرقه وجود ویرنه سبب شودر: سز سکز لیرا واون غروش ثمن مقابلنده بکنیدیکز مالی آلفه موافقت ای تدیکز، موافقتکزك دائره شمولی اشبو مبلغ ایله محدوددر. ثمنک انکلیز لیرا سی اولدوغی تبین ای دنجه عقد اشتراک سزه تحمیل ای تدیکی بورچ، حدود و ضاکزی تجاوز ایتمس اولور. دیملک که عقدک حصولی ایچون متقابل بر رضا موجود ده کیلدر. حال بوکه ترکی قبول ایده ن کیمسه موجودات و دیونانی اوزرینه اتمس اولبور. ترکهنک مستغرق دیون بولونمسی بونتیجه حقوقیه نك حصوله بر مانع تشکیل ایتمز . چونکه ذمت و مطلوب کا کان میراثچی به انتقال ایده ر. قالدی که ترکهنک انتقالی، دیونانک موجودیتته منتقر ده کیلدر. قبول ای دیلن ترکهنک هیچ بر بورچی اولمایه بیلیر. فقط اشترا

ایندیکنز بر مالک مطلقا بر ثمنی وارد. ثمنسز بر بیع اولاماز. شو حالده ثمن عقدیبعک ماهیتده مندج بر عنصردر. ثمنده اتحاد اولما نیجه عقد بیعده وجوده کله مز .

ایلمنی مسأل: فاعل اصیلک درجه صلاهیتی و عکس العمل تأثیریه مفروق مختل اولده شخصک استثنائی اموالده کی شکل صلاهیسی .

بو مبحثده دخی افادهنی تلخیص ایده بیلیمک ایچون فعل و حرکتیه عکس العمله وجود ویرن شخص یعنی (فاعل اصیل auteur principal) ی (ب) و عکس العملدن متأثر اولان کیمسه بیده (ج) رمز لریله افاده ایده جکم. شیمدی (ج) اوزرنده کی تأثیری نقطه نظرندن (ب) صورت مطلقهده کندی فعل و حرکتیه صاحبیدر؟ ایضاحات سالفه بی دقتله تعقیب ایتمش اولان قائلرم بو سؤاله بر جواب مثبت و بر مکده تردد ایتمزلر. چونکه حققی استعمال ایدهن کیمسه، کیفیت استعمال ایله یالکیز کندی منفعتی استهداف ایدهر. حال بو که منفعتی دائر مسنده حرکت، هر فرد ایچون بر حق طبعیدر. حقوق، بو خصوصه صاحب حقه هیچ بر تعقیدات وضع ایده مز. چونکه بو صورتله بر کیمسه نک استعمال حققی تعقید ایتمک، صاحب حق، حق صاحبی اولمایان کیمسه منفعتیه استعمال حقندن محروم دیمک اولور. بو تعقیداتی قبول ایندیکنز کون حقوق، کندی کندیی احما ایدهن بر تناقص ایچنده قایلر. فقط فاعل اصیلک حرکاته هیچ بر قید وضع ایتمزسه ک مضر عکس العمللرک تحدید مضرته امکان قالماز. فکرجه اساس اولارق عدم تعقیدی قبول و عکس العملک مضر تأثیراتی مدنیت حاضره ایچون لزومی بر فئالق اولوق اوزره تلقی ایتملی یز. منفعت تلقیلرینی کیتدجه منسجم و مرتبط برحاله افراغ ایدهن مدنیت حاضره نک آلدینی وجهه بو نتیجه بی ایلاد اییدیور.

فی الحقیقه مسأله بی احاطه ایده بیلیمک ایچون دایله مدیون آراسنده کی مناسباتی تدقیق ایدهم: یک طبعیدر که مدیونک هر هانکی بر حرکتی داینک منافعی یک یاقیندن علاقهدار ایلر. مدیونک صرف فعالیت ایتمسی و یا حاطل قالمسی و یا خود بورجلیرینی تربید و یا تنقیص ایلسی هب داینک حقوقه مؤثر اولان حالدردر. فقط بالفرض داینی صیانت ایچون مدیونک بوتون حرکاترینه بر مراقبه وضع ایتمک لازم کلسه اک کوچوک بر حرکتیده واضع قانونی قارشیمزده کورمکلکمز ایجاب ایدهر. مدیون برمال صاتین آیلور، عجباً بواشتراماملکک تنقیصنه می مصروفدر؟ بو جهتی آراشدیرمق قبول اولونان پره نسبیک بر نتیجه

ضروریہ سی اولور. فقط حقوقی بو درجہ یہ قادر معاملات بشریہ نك تفرعانه سوقدقدن
 صو کرا سربستی حرکت دہ نیلن شیدہ قلملاز؛ وارث، حصہ اریہمہ مؤزدر مطالعہ سی
 ایلہ مورثک تصرفاتہ مداخلہ ایدر. ہر ہانکی بر شخصک موصی لہ اولابیلہ سی احتمالہ
 بناء موصیسی فرض ایندیکی شخصک حرکاتی مراقبہ کنیدیسی صلاحیتدار کورور.
 بو تقدیردہ ایسہ صاحب حق، حق صاحبی اولمالیانک آئندہ برملعہ حالہ کلیر. کورولور کہ
 عکس العملک مضر تأثیراتی نظر دقتہ آلاق فاعل اصلک حرکاتی تقید ایتک حقوقاً
 قابل اولماز.

بو ایضاتی بر قاعدہ اساسیہ نك شکل افادہ سی اولق اوزرہ قبول ایدہ بیلیرسکز.
 چونکہ مضر عکس العملری تحدید ایدہ بیلک ایچون بعض حکملر وضعی فکر مجہ
 لابدر. آنجاق بو حکملر بر قسطاسہ تابع اولمالیدرلر. بن بو قسطاسی تعیین ایدہ مدم.
 یالکز حقک استعمالندہ غیرک اضرائی قصدی وارسہ، صاحب حقک استعمالی تقید
 واضع قانون ایچون ممکن اولور.

[بو ایضاحات، قانون مدنیزک بر جوق مظلم نقطہ لری حقندہ بزی تنور ایدیور.
 فی الحقیقہ قانون مدنیک ایکنجی و اوچونجی مادہ لرینک سبب وضعی حقیلہ آکلایوروز.
 بالخاصہ ایکنجی مادہ نك فقرہ ثانیہ سی۔ کہ «بر حقک صرف غیری اضرار ایدن سوء
 استعمالی قانون حمایہ ایتز» شکلندہ محرردر۔ ایلہ (یہ ریخ) ک بیاناتی آراسندہ افادہ
 فرقندن باشقا برشی یوقدر.

کذلک ایضاحات سالفہ «حسن یا خود اخلاقہ (آدابہ) مغایر بر مقصد استحصالی
 ایچون ویریلن بریشی استردادہ محل یوقدر» حکمی احتوا ایدن بورجلر قانونشک
 ۶۵ نجی مادہ سی دخی بزہ تماماً آکلایور. معلوم اولدوغی اوزرہ بو اساس ایلک دفعہ
 اولارق آلمان قانون مدنیسک ۸۱۷ نجی مادہ سی ایلہ حقوق موضوعہ ساحہ سنہ یرمشدی.
 مؤلف سالہی باشدہ اولدوغی حالہ فرانسز اسانڈہ حقوقی بو اساسی قبول ایتہ مشلردر.
 فی الحقیقہ مذکور بر غایہ نك حصولی ایچون عقد اولونان مقاولہ لر مواجهہ سندہ واضع
 قانون ایکی خط حرکتدن برنی تعقیبہ مجبوردر. یا بو قبیل مقاولہ لرک موجودیتدن
 تعامی ایتک ویا موجودیتی بالقبول اشبو مقاولاتدن متولد دعاوی بی استماع ایتک.
 فرانسز حقوقی ایکنجی صورت حل؛ تورک، اسویجرہ و آلمان حقوقلری ایسہ برنجی
 شکلی قبول ایتلردر. فقط ہر ہانکی خط حرکت تعقیب اولونورسہ اولونسون نتیجہ

ده کیشمیور چونکه دائماً قانونه سوء قصده بولونان ویناء علیه عینی درجهده حقسنز اولان ایکی فرد مواجهه سنده قالیورسکوز. قانونمز پاره‌نی آلان شخصی، فرانسه قانونی ایسه ویرمن کیمه‌نی حمایه ایدیور. نتیجه‌نک عینی اولمسنه رغماً قانونمزده (حقسنز بر فعلدن مال اکتساب ایتک) اساسنک تصوری کبی عقلاً و منطقاً قبوله امکان کوروله میان بر زیادهلکده وار. واقعا اسویجره قانوننک اسباب موجب لایحه‌سنده «قانونه سوء قصده بولونان کیمه‌لرک نعمت عدالتدن استفاده حقاری اولاماز» یولنده بر فقره موجوددر. فقط بو، حقوقی اولمقن زیاده ادبی بر سبب موجب اولویور. حقوقه انتسابی اولمایان ذوات بو سببک کوزهلکی قارشیسنده حکمی قبول ایده‌یلرلر. فقط بر حقوقی‌نی تطمین ایده‌مز. نته کیم (حاکم‌لرک حق تقدیری و حسن نیت) نام رساله‌ده بو جهت‌لری موضوع بحث ایشدم. فقط اسباب موجب‌نک بی اقناع ایده‌مدیکنی و ترددلرک زائل اولمادیغنی‌ده احساس ایشدم. (یه‌ریغ) ک بو یازیلری بکا بوراده‌کی اینجه‌لکی آکلاندی. فی‌الحقیقه ممنوع برغایه ایچون پاره صرف ایدن کیمه‌نک حمایه‌سی جمعیت نامنه مضردر. دیمک که او آدم ائنده پاره بولوندجه دائماً بو قیل غایه‌لرک حصولی ایچون صرف مساعی ایده‌جک. حال‌بوکه پاره‌نی آلان کیمه‌ او فعل ممنوعی، وسائطنه مالک اولدوغنی حاله‌بیله یایما‌یور. واسطه‌ اجراییه‌نک پاره‌نی آلان کیمه‌ یدنده قالسندن مضر عکس‌العملر تولد ایده‌مز. بو اعتبارله قانونمزک قبول ایتدیکی اساسک فرانسنز اساسنه حقوقاً فائق اولدوغنی تسلیم‌ده هیچ‌ده تردد ایتیموزم.]

شیمدی ایکنجی مسأله‌نک ایکنجی قسمنه کچلم:

عکس‌العمل تأثیر بر مفرق نمزل اولاره شخصک استثنائی امرالده‌کی شکل همراه‌سی. عکس‌العمللره حاکم اولان قواعد اساسیه اوزونده داها فضله‌توقفه لزوم کورمکسزین استثنالره تماس ایدلم. حقوقک بو ساحه‌سی غایت غریب بر خصوصیتی حائزدر. فی‌الحقیقه بو ساحه‌ده نظریات برعطالت مطلقه ایچنده قالمش و فقط حادثات ایله دائماً یاقیندن تماسه محبور قالان واضع قانون احکام ناظمه وضعی صورتیه‌لرک جوق صرف فعالیت ایشدر.

موضوعی احاطه ایده‌بیلک ایچون اول امرده مسأله‌نی اورتیه‌یه قویلم: ایضاحات سالفه بزه کوستردی که حقوقی عکس‌العمللر مطلقاً لا‌اقل ایکی حقت تصادمه میدان ویریور. بعض احوالده بو ایکی حقدن بری بالنتیجه دیکرینی عقلمته اوغرا‌یور.

حال بویکه قاعدهٔ هر حق، کندی ساحهٔ تجلیسی داخلند سربستهجه و بلا قید و شرط استعمال ایدملیدر. برحقک قسماً و یا تماماً عقامته محکوم قالمی حقوق ایچون برتهلکدر. بناءً علیه :

۱ — حقوق بو تهلکده نه دن دولای اغماض عین ایدیور ؟

۲ — شاید بویکه مجبور ایه بو تهلکدنك حدودلرینی معقول بر دائره داخلنه قصر ایده مزمی یز ؟

۳ — قصر و تحدید ایچون المزده نه کی بر قسطاسی واردر ؟

مثلاً قانون مدنی ۶۵۹ نجی ماده سی [۱۰] قانونی شفعه حقندن ۶۶۱ نجی ماده سی قومشو حقندن باحذر . « قومشولق حق » ده نیله ن شی بر عقددنی دوغار ؟ بویله برحقه وجود و یرمک ایچون آرامزده تلاحق رضا شرط میدر ؟ خایر ! بری آنقره دن دیکری ادر نه دن کلن ایکی کیسه استانبولک معین بر محله سنده کائن و یکدیگرینه ملاصق ایکی خانه اشترا ایدیورلر . بو ایکی ذات آراسنده هیچ بر معارفه یوق . بویکه رغماً واضع قانون رأساً بر (قومشولق حق) احداث ایدیور. نیچون ؟ چونکه بو ایکی قومشودن هر هانکی برینک نتایج فعل حرکتی کندی ساحه منکیتی داخلنه قصر ایدیلهمز. بو امکانسزلق بر امر واقعدر. فقط بوامر واقعی قبول ایتمک، برینک دیکرینی متبادلاً تعذیب ایتمسه جواز و یرمک معناسنه کلز . بناءً علیه بوراده واضع قانون ایکی قومشودن هر برینک متصادم منفعتلرینی نظر دفته آلیر. فوائد و مضراتی، درجه مشروعیتی اولچهر. نتایج عملیه یی هیچ بر زمان درپیش ایتمه ین منطق قوه استدلالیه سنه قایلماز. بو صورتله حقوقک تکامل و ترقیسنه اُک بویوک بر عامل تشکیل ایدن استراحت عامه حسی ایله منطق قطعیت ماده سی آراسنده بر مصالحه وجوده کلیر. بو مصالحه نامه یه نصفت *équité* تعبیر ایدیوروز .

ایشته بو نصفت اساسیدرکه واضع قانونه حادثه لری خصوصیتی درپیش ایتدیرر . بناءً علیه عمومی بره نسیدلر وضع اولونا ماز. فی الحقیقه واضع قانون بعضاً بر حقک استعمالی تشییع و اونک تولید ایده جکی عکس العملاری نظر اعتباره آلاز . بعضاً عکس العمللرک

[۱۰] (یربنغ) ک فکرلرینی مهیا ممکن بزم قانونلرمنله قارشیلانیدر بیوروم . بو ملرز نقلی مشکلاتی تماماً مدرك اولقله برابر - ماده لرمنک مفهوم علییه یی بزه داما کوزدل بر صورنده آکلاتاجنی جهته اختیار ایتدم .

نتایجی در پیش ایدرک صاحب حق استعمال حقیدن منع ایدر. مبرم احتیاجار قارشینده مبرم اولمایانلر، بویوک منفعتلر مواجهه سنده کوچوک منفعتلر فدا اولونور. بعضاً استعمال حقه مانع اولماز؛ فقط متضرر اولان کیمسه به بر حق مطالبه ویریر الخ. . .

بوتون بوتشریحات موضوعمرك اثباتنده بزه رهبر اولاجقدر. واقعا عكس العملرك تأثیری نطقه نظرندن نه کیبی حادثه لرده واضع قانونك مداخله ایده بیلجکی ثبیت ایتمیورز. فقط بونك علی المفردات تبیینه قالمق، امکانشزلنی ممکناته ادخاله اوغراشمق دیمکدر. مع هذا بر نقطه ده توقفی فائده دن خالی بولیورم.

براز اول «حقك عقيم قالمسی» تهلكه سندن بحث ایتمشدم. «عقامته اوغراشمق mettre en échec» هر هانکی بر حادثه نك مستقبله ایلا د ایده بیلجکی نتیجه لره مانع اولوق دیمکدر. شوقدیرده «حال present» ك ابطالی «مستقبل avenir» ك عقيم قالمسی انتاج ایدر. حق «مستقبل» ده ده کیل بلکه «حال» ده مندج بولونماسنه نظراً حقوقده بوتلقی ناصل قابل تصوردر؟

بر حقك عقامته اوغرامسی ایکی صورتله ممکن اولور:

برنجیسی: مستقبله مضاف حقلرده. مثلاً وصیت ایله شرطه معلق عقدلرده اولدوغی کیبی. بوساحده حقك وجود بولایلمسی آتیده حادث اولاجق واقعه لرك حدوشه مقتدردر. وصیتده موصی نك وفاتی، شرطه معلق عقدلرده شرطك تحقیق کیبی.

ایکنجیسی: حالاً موجود حقلرده. مثلاً داین، مدیونك استقبالی ایله علاقه داردر. مدیونی افلاس ایدر ویا ترک کسی مستغرق دیون اولارق وفات آیلر ایسه داین بر شی آلاماز. واقعا واضع قانون داینه بر حق مطالبه ویرمشدر. فقط بو مطلقاً آلاجنك تسویه سی معانسه کلز. دعوی ایتمك حق ایله پارهیه وضع ید ایلک آراسنده کی فرقی شاید بیلیمورسه کز آلاجلیلر کزه صورو کز!

کذلک قانون مدنیك یکریمی دردنجی بابنده (۹۰۱ الی ۹۰۹ نجی ماده لری) تفصیل اولونان استحقاق مسأله ده حالاً موجود حقلره بر مثال تشکیل ایدر.

دیمک که کرك فی الحال موجود اولسون وکرك مستقبله حادث اولاجق بر واقعه حدوشه معلق بولونسون بر حق عقامته اوغرایه بیلیر. [۱۱]

[۱۱] شایان قیددر که بر حقك عقيم قالمسی ایله قانونیزك ۲۱ نجی ماده سنده موضوع بحث (غبن lesion) آراسنده ظاهراً بر مشابعت واردر. فی الحقیقه هر ایکیسی ده (ب) نك فعل

شیمدی حقوق حاضرہ مزك عقامتہ مانع اولدوغی حادثہ لره تماس ایدہلم [۱۲].

آ — میراث مسائلی : میراثہ متعلق حادثہ لرك نتایجی مستقبلہ معطوفدر . مورت بورادہ فعل وحر کتیلہ استقبالك تولید ایدہ جکی نتیجہ لره مانع اولابیلیر . بناء علیہ واضع قانون :
اولا — وارثلرك حقوقنی صیانتہ مجبور قالمشدر .

ثانیاً — تركنك قبولندہ علاقہ دار اولانلرك حقوقنی صیانت ایتمشدر .
قانون مدنیك میراث مباحثندہ بو ایکی نقطه نظرلک تبارز ایتدیکی بك چوق احکام موجوددر . فی الحقیقه ۵۲ نجی ماده محفوظ حصہ تجاوز ایدیلہ میه جکنی تثبیت صورتیلہ مورتك نصاب تصرفنی تحدید ایتدیکی بی ۵۴۵، ۵۴۶، ۵۴۸ و ۵۵۷ نجی ماده لر دخی تركنك قبولندہ علاقہ دار اولانلرك حمایتہ منافعی ایچون وضع اولومشدر . (یهرینگ) بو بحثلری اوزون اورادی به تدقیق وواضع قانون ایچون بو بابده اختیاری ضروری اولان وجهلری اراثة ایلر .

ب — رجائب مسائلی : بو مبحثده دخی موضوعیزی علاقہ دار ایدن مواد وارددر . واضع قانون ، داینه عائد اولان بر حقلک مدیون ویا شخص ثالث طرفندن عقامتہ اوغرا تلمسنه میدان ویرمز . مثلاً :

۱ — مدیون بورجنی عیناً و تماماً *restitutio in integrum* ادایه مجبوردر . اهلیت ادانك زوالی *Captis deminitio* مدیونی بو وجیه دن خلاص ایدہ مز . (بو ، مدیونك شخصیلہ بر حقلک عقامتہ اوغرامادیغنه بر مثالدر) .

۲ — كذلك مدیونك آلا جقلیسندن خدعه ایله مال قاچیرمسی جائز ده کیلدر [۱۳]

وحر کتندن تولد ایدیور . فقط (ج) ك ضرری (ب) تك مشروع بر حقلک استعمالندن متولد ایسه عکس العمل قاعدہ لری ؛ ده کیل ایسه یعنی (ب) حدود حقنی (ج) علیهنه اولارق تجاوز ایتمش ایسه ۲۱ نجی ماده حکمی تطبیق اولونور . تعبر آخرله حقلک عقیم قالمسی قانونك جواز وبردیکی بر نتیجه ، غبن ایسه قانونه مخالف بر حرکت اولور . فقط واضع قانونك عقامتہ سناغ ویرمدیکی احوالده عکس العمل صورتیلہ حتی عقیم براقی غبن عد اولونمازی ؟ حادثاتی قانوناً ممنوع ویا مجاز صورتنده تصنیف ایدہ رسه کز غبن عد ایدیلسی ضروردر . فقط حقوقاً غبن صایلماز . (یهرینگ) [۱۲] بدایتده حادثہ لره حاکم اولان اغفال ، حیلہ کیی سو بره کتیف عنصرلری تصنیف ایدہ رك مسأله یی اساسندن حل ایتك ایتدم . فقط دوغرو بر نتیجه استحصالی ممکن اولمادی . بو سببدن داها عملی بر طرز تصنیفی تعقیبه مجبور قالم . (یهرینگ)

Action Paulienne [۱۳]

۳ — تحقق مطلوباتی بر شرطه معلق اولان داین افلاس مایه‌سنه قبول اولونورسه دیگر داینلر اعتراض ایده‌بیلرلر. (بو، شخص ثالث فعلیه بر حقل عقامته اوغرا مادیغه مثال تشکیل ایده‌ر.)

ارغینی مسأله: عکس العمل تأثیراته معروضه قالاده شخصیه فاعل اصلیک مستثنا امرالده عرصه طلب انمی.

اساس اعتباریه عکس العملدن متضرر اولان شخصک فاعل اصلیدن ناصیل تضمینات طلبنه صلاحیتی یوقسه فاعل اصلیک مستفید اولان شخصدن دخی اویله‌جه عوض طلبنه حتی یوقدر. فقط بو ایکی قاعده‌دن برنجیسنده بر چوق استثنالره تصادف ایتدک. ایکنجی قاعده دخی استثناسز ده کیلدر. و (ب) نک، (ج) دن عوض طلبنه صلاحیتی بولونوغی رلر واردر.

[بحک بو قسمی (یه‌ریغ) پک واسع بر نقطه نظرندن تحلیل و تاریخ حقوقده بو تلقی نه کیی استحاله‌لر کچیردیکنی واضع قانونلرک نه قادار مترددانه ایبریلدکیرینی روما حقوقدن کتیردیکی بر چوق مثاللر اهانسیله توضیح ایتدکن صوکر ا بو نقطه نظرندن حادثیه حاکم اولان پرنسیپلرک نهلر دن عبارت اولایله‌جکی مسأله‌سنه تماس ایدیور:]

عکس العملدن مستفید اولان کیسه‌دن فاعل اصلیک نه کیی شرائط دائره‌سنده عوض طلب ایده‌بیله‌جکینی ثبیت ایچون حادثاتک جریان طبیعیسی کوز اوکنه کتیرم. تطبیقاتده تصادف ایدیلن واقعهلرک یقیندن تحلیلی بزه بعض مقتاحلر ویره‌بیلر.

بر تهلهکه بحریه حادثه‌سنی آلام. معظم دالغهلره چارپیشان بر کمی وار:

۱ — بویوک بر دالغه کینک کوکر نه‌سنده کی ماللری ده کیزه چکیور.

۲ — قاپتان تهلهکه‌نک اوکنه کچمک ایچون حمله‌سنگ بر قسمی ده کیزه آتیور.

شیمدی کمی ماللرک متباقی قسمی ساحل سلامته کتیردی. کرک دالغهلرک تأثیریه اولسون، کرک قاپتانک فعل و حرکتیه بولونسون متباقی اموالک محل مقصوده وصولی حمله‌نک آزمینندن متولد بر نتیجه‌در. دیمک که اموالک ضیاعنه مقابل ماللرکز قورتولیور. بن، سزک ضررکزه بر سپر اولیورم. بو وضعیت سزک حقکزده مفید بر عکس العمله میدان ویردی. سزدن بر عوض ایسته‌یه‌بیلریم؟ (۱) نومرولووا حتماله‌خایر! (۲) نومرولی احتماله ایسه نهوت! نتیجه عینی اولونجه آراده کی فرق نهدن عبارتدر؟ اولکیسنده کی

فدا کارلق کندیلکندن اولمش، ایکنجیسنده ایسه بنم ارادم - چونکه قاپتان بنم وکیلمدرد - بوفدا کارلقه وجود ویرمشدرد. حقوق، اراده لاحق اولمقسزین تحقیق ایدن فدا کارلقلرک تضمینی اساسنی قبول ایده مز. چونکه بر دقیقه ایچون برنجی احتمالده عوض اساسنی قبول ایدیکز؛ دولو، طغیان میاه، بیلدریم کیچی بوتون آفات سماویه نك ایلا د ایدم بیله جکی ضررلرک مشترکاً تضمینی لزومه جواز ویرمش اولورسکز .

مثلاً دشمن شهری بومباردمان ایدیور. کولله بنم نهومه اصابت ایتدی. شوصورتله نهو کزک معروض خسار اولسنه بن مانع اولدم. چونکه نهوم سزک ایچون بر سپروظیفه سنی کورمشدی. شیمدی «خساری تضمین ایدیکز» یولنده بر ادعاده بولونامام. دیمک که عوض اساسنک قبولی ایچون :

اولا — دیگرلرینک سلامتی نامنه فدا کارلق یاپان شخصک اراده سی لاحق اولمیلدر. بو اراده نك بر اضطرار تحتنده ویا اختیاری صورتده تجلی ایتسی آراسنده فکر بجه هیچ بر فرق یوقدر .

ثانیاً — حقوق، عوض طلبنک مسموعیتی ایچون ایکنجی بر شرط دهآرار . فی الحقیقه عکس العملدن مستفید اولان کیمسه لک درجه استفاده سی ماده تعیین اولونایلمیلدر. مثلاً نهو کزی بلدییه استملاک ایدره ک یوله قلب ایتدی. بوصورتله آرقاده بولونان نهوم جاده یه چیقیور. بوندن استفاده بکا عأددر. بناء علیه (شریفه) ویرمکه مجبورم. فقط حریرک اطفاسی ایچون نهو کزک ییقلمسنه لزوم کورولورسه بوندن بنم درجه استفاده نام قابل تعیین در. سزه قارشی تضمینات ایله معاتب اولامام. واقعا بلدییه نهوی ییقیلان شخصه بر تضمینات ویرر. فقط بو، حقوقی بر ماهیتی حأز ده کیلدر؛ بلکه عدالت حسنک ایلا د ایتدیکی اداری بر تدبیردر.

عکس العملره عأد بجه بوراده ختام ویریورم. شخص ثالث لهنه یاپیلان مقاولاته بالترتیب تماس ایتدم. حقوقک ماهیته نفوذ ایدم بیلن بر قاره مدافعه ایتدیکم اساسلرک بو قبیل مقاولاتده دخی درجه تأثیرینی قولایلقله کوره بیلر .

بوندن سوکرا ایکنجی بجه یعنی «Passivité des droits» قسمنه بکه جکم .

استانبول برنجی تجارت محکمه سی رئیس

احمد احمد